

楚辭后語



楚辭後語目錄

卷一

成相第一

荀卿

侘詩第二

同上

易水歌第三

荆軻

越人歌第四

越人

垓下帳中之歌第五

項羽

大風歌第六

漢高帝

鴻鵠歌第七

同上

卷二

弔屈原第八

賈誼

服賦第九

同上

瓠子之歌第十

漢武帝

秋風辭第十一

同上

烏孫公主歌第十二

劉細君

長門賦第十三

司馬相如

哀二世賦第十四

同上

自悼賦第十五

班婕妤

反離騷第十六

揚雄

卷三

絕命詞第十七

息夫躬

思玄賦第十八

張衡

悲憤詩第十九

蔡琰

胡笳第二十

同上

卷四

登樓賦第二十一

王粲

歸去來辭第二十二

陶潛

鳴臯歌第二十三

李白

引極第二十四

元結

山中人第二十五

王維

望終南第二十六

魚山迎送神曲第二十七

並同上

日晚歌第二十八

顧況

復志賦第二十九

韓愈

閔己賦第三十

別知賦第三十一

訟風伯第三十二

弔田橫文第三十三

享羅池第三十四

琴操第三十五

並同上

卷五

招海賈文第三十六

柳宗元

懲咎賦第三十七

閔生賦第三十八

夢歸賦第三十九

弔屈原文第四十

弔萇弘文第四十一

弔樂毅文第四十二

乞巧文第四十三

憎王孫文第四十四

並同上

卷六

幽懷賦第四十五

李翱

書山石辭第四十六

王安石

寄蔡氏女第四十七

同上

服胡麻賦第四十八

蘇軾

毀璧第四十九

黃庭堅

秋風三疊第五十

邢居實

鞠歌第五十一

張載

擬招第五十二

呂大臨

右楚辭後語目錄以鼂氏所集錄續變二書

刊補定著凡五十二篇鼂氏之爲此書固主
於辭而亦不得不兼於義今因其舊則其考
於辭也宜益精而擇於義也當益嚴矣此余
之所以兢兢而不得不致其謹也蓋屈子者
窮而呼天疾痛而呼父母之詞也故今所欲
取而使繼之者必其出於幽憂窮蹙怨慕淒
涼之意乃爲得其餘韻而宏衍鉅麗之觀懽
愉快適之語宜不得而與焉至論其等則又
必以無心而冥會者爲貴其或有是則雖遠

且賤猶將汲而進之一有意於求似則雖迫
眞如揚柳亦不得已而取之耳若其義則首
篇所著荀卿子之言指意深切詞調鏗鏘君
人者誠能使人朝夕諷誦不離於其側如衛
武公之抑戒則所以入耳而著心者豈但廣
廈細旃明師勸誦之益而已哉此固余之所
爲眷眷而不能忘者若高唐神女李姬洛神
之屬其詞若不可廢而皆棄不錄則以義裁
之而斷其爲禮法之罪人也高唐卒章雖有

恩萬方憂國害開聖賢輔不逮之云亦屠兒
之禮佛倡家之讀禮耳幾何其不爲獻笑之
資而何諷一之有哉其息夫躬柳宗元之不
棄則鼂氏已言之矣至於揚雄則未有議其
罪者而余獨以爲是其失節亦蔡琰之儔耳
然琰猶知愧而自訟若雄則反訕前哲以自
文宜又不得與琰比矣今皆取之豈不以夫
琰之母子無絕道而於雄則欲因反騷而著
蘇氏洪氏之貶詞以明天下之大戒也陶翁

之詞鼂氏以爲中和之發於此不類特以其
爲古賦之流而取之是也抑以其自謂晉臣
恥事二姓而言則其意亦不爲不悲矣序列
於此又何疑焉至於終篇特著張夫子呂與
叔之言蓋又以告夫遊藝之及此者使知學
之有本而反求之則文章有不足爲者矣其
餘微文碎義又各附見於本篇此不暇悉著
云

楚辭後語目錄終

楚辭後語卷第一

朱熹刊定

成相第一

成相者楚蘭陵令荀卿子之所作也荀卿趙人名況學於孔氏門人馯臂子弓者尤邃於禮著書數萬言少遊學於齊歷威宣至襄王時三爲稷下祭酒後以避讒適楚春申君以爲蘭陵令春申君死荀卿亦廢遂家蘭陵而終焉此篇在漢志號成相雜辭凡三章雜陳古今治

亂興亡之効託聲詩以風時君若將以
爲工師之誦旅賁之規者其尊主愛民
之意亦深切矣相者助也舉重勸力之
歌史所謂五穀大夫死而舂者不相杵
是也卿非屈原之徒故劉向王逸不錄
其篇今以其詞亦託於楚而作又頗有
補於治道故錄以附焉然黃歇亂人卿
乃以爲託身行道之所則已誤矣卿學
要爲不醇粹其言精神相反爲聖人意

乃近於黃老而復後王君論五者或頗
出入申商閒此其所以傳不壹再而爲
督責坑焚之禍也差之毫釐謬以千里
可不謹哉可不謹哉

請成相世之殃愚闇墮賢良人主無賢

如瞽無相何俛俛

相並息亮反上叶平聲墮許規反俛丑羊反○相助

也成相助之力之歌也墮壞也瞽無相者瞽者無目故必使人助之亦謂之相不可無也俛

俛狂惑之貌

請布基慎聖人愚而自專事不治主

忌苟勝羣臣莫諫必逢災

慎讀作順人叶音兒治直吏反叶平

聲災叶音滋。○布基謂陳布基業之事也。忌猜忌也。苟勝不顧義理而苟求勝人。若下文所引商紂之事也。乎論臣過反其施尊主安國尙賢義

拒諫飾非愚而上同國必禍

過叶音規義叶平聲禍叶許規

反。○論論其罪而治之也。言治臣下之過者必當自省而反其所爲不可尤而效之也。欲尊主安國者必尙賢義然後可爲。若如紂之知足以飾非辨足以拒諫己自愚暗又欲使人同己則國必禍也。上與尙同曷謂罷國多私比周還主黨

與施遠賢近讒忠臣蔽塞主勢移

罷讀作疲比必寐反

遠近皆去聲。○疲謂弱不任事也。國語曰罷士無任罷女無家是也。若國多私則其君亦罷矣。還繞也。讒人用事能使忠臣蔽塞而人莫敢言則權在於彼而不在君矣。此主勢所

以下移於曷謂賢明君臣上能尊主愛下民主

誠聽之天下爲一海內賓

賢叶湖鄰反○賢謂賢臣也能明君

臣之道則爲賢臣也

主之孽讒人達賢能遁逃國乃廢

愚以重愚闇以重闇成爲桀

孽災也廢顛覆也久而愚闇愈

甚遂至於夏桀之無道也

世之災妒賢能飛廉知政任惡

來卑其志意大其園囿高其臺

能叶奴來反臺下本有榭

字以韻叶之知是後人誤加今刪去○惡來飛廉之子惡來有力飛廉善走父子俱以材

力事紂也卑其志意言無遠慮不慕往古蓋當高者反卑而當卑者反高也

武王

怒師牧野紂卒易鄉啓乃下武王善之封之

於宋立其祖

怒叶上聲野叶上與反鄉讀作向

徒倒戈攻于後啓微子名下世之衰讒人歸降也立其祖使祭祀不絕也

比干見剗箕子累武王誅之呂尚招麾殷民

懷剗音枯累平聲與縲同懷胡威反○比干箕子事見九章天問縲囚繫也呂尚太公

也世之禍惡賢士子胥見殺百里徙穆公任

之強配五伯六卿施

禍叶許詭反伯讀爲霸施叶上聲○子胥吳大

夫伍員字也諫夫差不聽爲所殺百里奚虞公之臣徙遷也謀不見用虞滅係虜遷徙於

秦穆公秦伯任好也六卿天子之制施猶置也言其強大僭置天子之官也

世之愚惡大儒逆斥不通孔子拘展禽三絀春申